

Վիեննայի Մխիթարեան թանգարանի Աւշինի արձաթները. ՀԱ. 1972, էջ 95-110 եւ Վիեննայի Մխիթարեան թանգարանի Լեւոն Գ.ի 1306-1307 պղինձները. ՀԱ. 1972, էջ 225-238, 373-382:

Առանձին հատորով «Ազգային Մատենադարան» թիւ 220, 1982:

Ցուցակ հայերէն ձեռագրաց Մխիթարեան Մատենադարանին ի Վիեննա, Գ. հատոր: ՀԱ.ի մէջ 1977-1983 տարիներուն լոյս տեսած:

Առանձին հրատարակուած՝ 1983:

Աստուածաշունչի, Հիմ եւ Նոր կտակարաններու ամբողջական թարգմանութիւնը աշխարհաբար (արեւմտահայերէն), որ դժբախտաբար կը մնայ անտիպ:

Խմբագրութիւն

ՄԻՐԻԱՆ ԱՔԵՄԵՆԵԱՆ ՊԱՐՍԿԱՍՏԱՆԻ ՎԱՐՉԱԿԱՆ ԲԱԺԱՆՄԱՆ ՀԱՄԱԿԱՐԳՈՒՄ

Յովհաննես Խորիկեան

Անտիկ աղբիւրներում Սիրիայի նուաճումը վերագրում է Կիւրոս Մեծին, ընդ որում՝ սիրիացիները եւ ասորեստանցիները յիշատակում են կողք կողքի¹: Բաբելոնը նուաճելուց՝ յետոյ՝ Ք. ա. 535 թ., Կիւրոս Մեծը Միջագետքից եւ Եփրատից արեւմուտք ընկած տարածքներից՝ Սիրիայից, Փրենիկիայից, Անդրյորդանանից, Կիպրոսից եւ Պաղեստինից, ստեղծում է մէկ նահանգ՝ Գուբարուի (հին պարսկերէն՝ Gaubarua, անտիկ աղբիւրներում՝ Գորբրիա) կառավարութեամբ, որն այդ պաշտօնում մնում է առնուազն մինչեւ Ք. ա. 525 թ.: Վարչական այս նոր միաւորը, որն ընդգրկում էր նախկին Նորբաբելոնական թագաւորութեան գրեթէ ամբողջ տարածքը, կրում էր Բաբելոն եւ Անդրգետք անուանումը²: Ք. ա. 520 թ. վարչական այս միա-

ւորի կառավարիչ է նշանակում պարսիկ Ուշտանուն, սակայն Ք. ա. մօտ 516 թ. Դարեհ Ա-ն այս սատրապութիւնը բաժանում է երկու մասի. Բաբելոնի կառավարիչ է նշանակում Ուշտանուն, իսկ Անդրգետքի՝ Թատնայը, ով վարչական առումով ենթարկւում էր Ուշտանունին³:

Սատրապութիւնների հերոզոտեան ցուցակում Միջագետքը եւ Եփրատից արեւմուտք ընկած երկրները յիշատակում են առանձին սատրապութիւններում. առաջինը՝ Բաբելոնը եւ մնացեալ Ասորեստանը, մտնում էին IX սատրապութեան, իսկ Եփրատից արեւմուտք ընկած երկրները՝ V սատրապութեան կազմի մէջ⁴: Վերջինս Գաղատասի նամակում համապատասխանում է πέραν Εὐψράτου «Եփրատի միւս կողմում» արտայայտութեանը⁵:

1 Քսենոփոն, *Կիրոպեդիա*, թարգմ. Ս. Կրկեաշարեանի, Երեւան, 2000, էջ 5:
2 M. W. Stolper, *The Governor of Babylon and Across-the-River in 486 B. C.*, - "Journal of Near Eastern Studies", Vol. 48, № 4, 1989, p. 286; M. Heltzer, *Some Aspects of Achaemenid Taxation in the V Satrapy (Phoenicia)*, in M. Molina et al. (edd.), *Arbor scientiae. Estudios del Proximo Antiguo dedicados a Gregorio del Olmo Lete*, "Aula Orientalis", 17-18, 1999-2000, p. 349; M. A. Дандамаев, *Политическая история Ахеменидской державы*, Москва, 1985, с. 52; նոյնի՝ *Mecopotamia u Iran в VII-IV вв. до н. э.: Социальные институты и идеология*, Санкт-Петербург, 2009, с. 54, 72; նոյնի՝ *Ахеменидская империя: социально-административное устройство и культурные достижения*, Санкт-Петербург, 2013, с. 56; T. Bryce, *Ancient Syria*, Oxford University Press, 2014, p. 149. Մասնագիտական գրականութեան մէջ այն կարծիքը, թէ Գուբարուն նուանում է Կուսիումի Ուգբարուի հետ, ով ղեկավարել է Կիւրոս Մեծի ժամանակ Բաբելոնի գրաւումը, պէտք է մերժել, քանի որ Ուգբարուն վախճա-

նուել է Բաբելոնի գրաւման տարում՝ Ք. ա. 539 թ. (M. A. Дандамаев, *Mecopotamia u Iran...*, с. 72): Որոշ ուսումնասիրողներ նոյնիսկ ֆակում են Ուգբարուին, Գորբրիասին եւ Դարեհ Ա-ի նոյնանունն սիգակակրին նոյն անձնատրութիւնը համարել (տե՛ս M. A. Дандамаев, *Политическая история Ахеменидской державы*, с. 45):
3 M. W. Stolper, *The Governor of Babylon and Across-the-River in 486 B. C.*, p. 289; M. A. Дандамаев, *Mecopotamia u Iran...*, с. 54. Ուշտանուն եւ Թատնայի նոյնացումը չի ֆաստատում (տե՛ս A. F. Rainey, *The Satrapy "Beyond the River"*, - "Australian Journal of Biblical Archaeology", 1969, № 1/2, p. 53):
4 Հերոդոտոս, *Պատմութիւն ինը գրքից* (պատմեւտե՛ Հերոդոտոս), թարգմ. Ս. Կրկեաշարեանի, Երեւան, 1986, III, էջ 91-92:
5 A. T. Olmstead, *A Persian Letter in Thucydides*, - "The American Journal of Semitic Languages and Literatures", Vol. 49, № 2, 1933, p. 158 (pp. 154-161).

Եթէ յունական աղբիւրներում հիմնականում Ասորեստանը եւ Բաբելոնը հաւասարազօր հասկացութիւններ են⁶, ապա հին պարսկական աղբիւրներում դրանք յստակօրէն տարբերակուում են: Ասորեստանի անկումից յետոյ նրա անունով սկսում է կոչուել Սիրիան: Այսպէս, Դարեհ Ա-ի Սուզայի արձանագրութիւններից մէկի բաբելոններէն տարբերակում Eber-nāri-ն («Անդրգետք», այսինքն՝ Սիրիա, Փիւնիկիա, Պաղեստին) համապատասխանում է հին պարսկական եւ էլամական Athurā-ին, այսինքն՝ Ասորեստանին: Հետեւաբար՝ վերջինս սեպագիր արձանագրութիւններում յիշատակուող Անդրգետքի մի երկրամասն է, իսկ դա նշանակում է, որ պարսկական արձանագրութիւնների Ասորեստանը նոյնանում է Սիրիային⁷:

Ինչպէս Աքեմենեան տէրութեան վերաբնակեցուած շատ ժողովուրդներ, այնպէս էլ սիրիացիները Բաբելոնում եւ նրա շրջակայքում ունէին բնակավայրեր, որոնցից մէկը Սիպպարի մօտ կոչուում էր Haleb եւ սիրիական Հալէպի կրկնանունն էր⁸:

Սիրիայի վերաբերեալ կարեւոր են Քսենոփոնի տեղեկութիւնները⁹, համաձայն որոնց՝ Կիլիկիայի եւ Սիրիայի սահմանը յետագայում յայտնի Դրոնք Ասորոց կամ Պատանայ լեռնանցքն է, ինչը Հերոդոտոսի տեղեկութիւններին¹⁰ համեմատութեամբ ցոյց է տալիս, որ Սիրիայի սահմանը, նախկինի համեմատութեամբ անցնելով Պօսիդէոն (ներկայիս Բասիտը) քաղաքը, հիւսիսում ընդարձակուել էր Ի հաշիւ Կիլիկիայի հողերի¹¹:

Քսենոփոնի պատմութիւնից պարզուում է, որ Փիւնիկիայից վերադարձած Աբրոկոմասը դիմադրութիւն ցոյց չի տալիս Կիւրոս Կրտսերին եւ վիթխարի բանակով՝ 30 բիւր զօրքով մեկնում է արքայի մօտ¹²: Ըստ էութեան, Աբրոկոմասը եղել է ամբողջ V սատրապութեան կառավարիչը, քանի որ Աբրոկոմասը գալիս է Եփրատի կողմից¹³, այն դէպքում, երբ Դեուէսը եւ Բելեսիւսը եղել են հիւսիսարեւմուտ, որոնցից առաջինը կառավարում էր Փիւնիկիան ու Արաբիան, իսկ երկրորդը՝ Սիրիան եւ Ասիւրիան¹⁴:

Կիւրոս Կրտսերը Դրոնք Ասորոցից՝ Սիրիայի դարպասներից¹⁵, շարժուում է դէպի փիւնիկեցիներով բնակեցուած Միւրիանդոս ծովափնեայ քաղաքը, որտեղից անցնելով 20 փարսախ՝ 110-120 կմ, հասնում է Խալոս՝ Քովէյկ կամ Բալուկ-սու (բառացի՝ «ձկան գետ»)՝¹⁶ գետը, որը յայտնի էր խոշոր եւ ընտիր ձկներով, որոնք սիրիացիների համար սրբազան էին համարուում¹⁷:

Կիւրոս Կրտսերը, Խալոս գետի հովտից անցնելով 165-180 կմ, հասնում է Դարդաս՝ Փար գետին¹⁸ ակունքները, որի մօտ գտնուում էր Սիրիայի տիրակալ Բելեսիւսի պալատը եւ սահմանները մ. թ. ա. VI-IV դարերում, «Վէմ», 2013, թիւ 2, էջ 192:

12 Քսենոփոն, Անաբասիս, էջ 17:
 13 Նոյն տեղում, էջ 16, 17, 26:
 14 Նոյն տեղում, էջ 197: Աբրոկոմասը յիշատակուում է Ք. ա. 385-383 թթ. Եգիպտոսի վերանվաճման ժամանակ (տե՛ս A. F. Rainey, *The Satrapy "Beyond the River"*, p. 67; M. Weiskopf, *The so-called "great Satrap's revolt"*: 366-360 B.C., - "Historia", Heft 63, Stuttgart, 1989, p. 39):
 15 Տրաբոն, *География в 17 книгах*, перевод, статья и комментарии Г. А. Стратановского, Ленинград, 1964, с. 626, 631.
 16 *Dictionary of Greek and Roman Geography*, ed. by W. Smith, Vol. I, Boston, 1854, p. 602.
 17 Քսենոփոն, Անաբասիս, էջ 18:
 18 *Dictionary of Greek and Roman Geography*, p. 752.

6 Տե՛ս, օրինակ, Հերոդոտոս, I, 188, 192:
 7 M. A. Дандамаев, *Месопотамия и Иран...*, с. 66.
 8 Նոյն տեղում, էջ 364:
 9 Քսենոփոն, Անաբասիս, թարգմ. Ս. Կրկեաշարեանի, Երեւան, 1970, էջ 17:
 10 Հերոդոտոս, III, 91:
 11 Մանրամասն տե՛ս Յ. Խորիկեան, Աքեմենեան Պարսկաստանի Կիլիկեան սատրապութեան

սիւսի պալատը եւ պարտէզը¹⁹: Քսենոփոնի յիշատակած Սիրիայի տիրակալ Բելեսիւսը նոյնանում է սեպագիր տեքստերում յիշատակուած Բելշունու սատրապին, ով Ք. ա. 429-414 թթ. միջեւ ընկած հատուածում եղել է Բաբելոնի կառավարիչը, իսկ աւելի ուշ՝ Ք. ա. 407-401 թթ., նշանակուել է Անդրգետքի սատրապ²⁰: Բելեսիւս անունով Սիրիայի մէկ այլ սատրապ յիշատակում է Դիոդորոս Սիկիլիացին, Արտաքսերքսէս Գ-ի. (Ք. ա. 358-338 թթ.) ենթակայութեան տակ²¹:

Դատելով Քսենոփոնի տեղեկութիւններից՝ մինչեւ Եփրատի աջ ափին գտնուող Թափսակոս քաղաքն ընկած տարածքները յոյները համարել են Սիրիա²²: «Անաբասիս» յետագայ տեղեկութիւններից պարզուում է, որ Եփրատի գետանցումից մինչեւ Արաքսէս՝ Խաբուր գետը, յոյները շարունակում են համարել Սիրիա եւ միայն Խաբուրից արեւելք նրանք անցնում են Արաբիայով²³: Այսպիսով, Կիւրոս Կրտսերի երթուղու քննութիւնը սկսած Դրոնք Ասորոցից մինչեւ Արաքսէս-Խաբուր գետը,

ցոյց է տալիս, որ յոյն հեղինակի համար Սիրիան տարածուել է նշուած լեռնանցքից մինչեւ Եփրատ գետը, որից յետոյ մինչեւ Խաբուր գետը յոյներն անցել են Ասիւրիա-Ասորեստանի տարածքով:

Աղբիւրագիտական առումով պարսիկների համար Աթուրան գոնէ Հիւսիսային Միջագետքն է, քանի որ Բեհիստունի արձանագրութիւնում Հիւսիսարեւմտեան Միջագետքում տեղադրուող Իգալան, որը քաղաքական առումով գտնուել է Հայաստանի կազմում²⁴, յիշատակուում է հէնց Աթուրայի կազմում²⁵: Հերոդոտոսը նոյնպէս Ասորեստանը յիշատակում է Հայաստանից դէպի հարաւ²⁶: Նկատենք նաեւ, որ համաձայն Հերոդոտոսի, ասորեստանցիներին հելլէններն անուանել են ասորիներ՝ սիրիացիներ, ընդ որում՝ պատմիչի տեղեկութիւնից պարզուում է, որ Բաբելոնը եւս համարուել է Ասորեստանի մասը²⁷, այսինքն՝ գոնէ ամբողջ Միջագետքը, Եփրատից արեւելք ընկած Սիրիան նոյնացուել են Ասորեստանին:

Քսենոփոնի մէկ այլ աշխատութեան մէջ՝ «Կիւրոպեդիայում», կան բազմաթիւ տեղեկութիւններ, որոնցում Սիրիան եւ Ասորեստանը նոյնացուում են: Քսենոփոնը Սիրիան, այսինքն՝ Ասորեստանը եւ Մեզիան, համարում է սահմանակից երկրներ²⁸:

Պատմիչի առանձին տեղեկութիւններից կարելի է եզրակացնել, որ Սիրիան աշխարհագրական առումով փոխարինում է

19 Xenophon, *Anabasis*, with an English translation by Carleton L. Brownson, Vol. III, Books I-VII, Cambridge-Massachusetts-London, 1980, Loeb Classical Library, p. 40: Պարսից թագաւորնէրին Սիրիայում պատկանում էին անտառնէր (Աստառաշունչ, Մատեան Հին եւ Նոր կտակարանների, եբրայական եւ յունական բնագիրներից թարգմանուած, Ծոռուգարտ, 1990 (Վերահրատարակութիւն 1896 թ. հրատարակութեան), Նէեմի, Բ, 8):
 20 M. W. Stolper, *The Babylonian Enterprise of Belesys*, Dans les pas des Dix-Milles, Pallas, 43, 1995, p. 217; M. A. Дандамаев, *Месопотамия и Иран...*, с. 88.
 21 Diodori Bibliotheca Historica, ed. L. Dindorfius, vol. III, Lipsiae, 1826, XVI, 42, p. 46. Բաբելոնի եւ Անդրգետքի, առանձին-առանձին Բաբելոնի (Ակկադի երկրի կառավարիչ), Անդրգետքի սատրապների ցանկը բաբելոնական տեքստերում տե՛ս M. W. Stolper, *The Governor of Babylon and Across-the-River...*, pp. 290, 298.
 22 Xenophon, *Anabasis*, p. 40.
 23 Նոյն տեղում, էջ 44, 46:

24 Յ. Խորիկեան, Հայաստանը եւ Այսրկովկասը Աքեմենեան Պարսկաստանի վարչական բաժանումներում (Պատմաաշխարհագրական ուսումնասիրութիւն), Երեւան, 2014, էջ 37:
 25 R. Kent, *Old Persian*. Grammar. Texts. Lexicon. 2nd ed., New Haven, 1953, p. 122. Հմմտ. E. Herzfeld, *The Persian Empire*. Studies in Geography and Ethnography of the Ancient Near East, Wiesbaden, 1968, p. 305.
 26 Հերոդոտոս, I, 194:
 27 Նոյն տեղում, VII, 63:
 28 Քսենոփոն, *Կիրոպեդիա*, էջ 214:

ե՛լ Ասորեստանին, ե՛լ Սիրիային²⁹, ինչը համապատասխանում է հին պարսկական սեպագիր արձանագրութիւնների տեղեկութիւններին: Քսենոփոնի որոշ տեղեկութիւններում Սիրիան Ասորեստանն է³⁰:

Քսենոփոնը մի ոչ այնքան յստակ տեղեկութեան մէջ յիշատակում է Ստորին Սիրիան³¹, որի անուան տակ թերեւս կարելի է հասկանալ Միջագետքն ամենալայն առումով ներառեալ Բաբելոնը³²:

Հերոդոտոսից աւելի վաղ Սիրիան՝ երկու քաղաքներով (Կանիւտիս եւ Կարդիւտոս), յիշատակում է Հեկատոնոս Միլեթացին³³:

Սիրիայի մասին կարելոր տեղեկութիւններ են հաղորդում Արիանոսը եւ Ռուփոսը: Արիանոսը նոյնպէս յիշատակում է Կիլիկիայի եւ Ասսիւրիայի՝ Ասորեստանի սահմանագլխին գտնուող յայտնի դարպասները³⁴ Դրոնք Ասորոցը: Վերջինիս մօտ՝ Ասորեստանում երկու օրուայ հեռաւորութեան վրայ, գտնուել է Սոքոս վայրը³⁵, որը թերեւս Ռուփոսի Օնքին է³⁶:

Ասորեստանի դարպասների մօտ՝ Ասսիւրիայում է գտնուել նաեւ Միլեթիանդրոսը³⁷ Քսենոփոնի Միլեթիանդրոսը, որը, հաւանաբար, գտնուել է Հռոսուսից հիւսիս: Անշուշտ, աշխարհագրական առումով Հռոսուսը նոյնպէս կապուած էր Կիլիկիայի

հետ, որի սահմանը հարաւում եղրագծուում էր Ամանոսեան լեռներով, սակայն վարչական եւ ռազմական նկատառումներից ելնելով պարսիկները Սիրիայի սահմանը հիւսիսում հասցրել էին մինչեւ Ամանոսեան լեռները, հետեւաբար՝ Սիրիան հիւսիս-արեւմուտքում շրջափակում էր Ամանոսեան լեռներով:

Իսոսի ճակատամարտում յաղթանակ տանելուց յետոյ՝ Ալեքսանդր Մակեդոնացին Կէյլեսիրիայի կամ Կոյլեսիրիայի, այսինքն՝ Փիւնիկիայից հիւսիս ընկած մարզի կառավարիչ է նշանակում Մենոնին³⁸, ում շուտով փոխարինում է Ասկլեպիդորոսը³⁹: Սակայն Արիանոսի տեղեկութիւններից միաժամանակ երեւում է, որ Կէյլեսիրիայի եւ Միջագետքի ասորիների (երկու գետերի՝ Եփրատի եւ Տիգրիսի միջեւ ընկած Սիրիայի⁴⁰) սատրապ էր համարում Դարեհ Գ-ի մերձաւորներից մէկը՝ Մազէյը, ով մասնակցում է Գաւգամելայի ճակատամարտին⁴¹: Այս տեղեկութիւնը ցոյց է տալիս, որ Աքեմենեան տէրութեան կործանման ժամանակ V սատրապութիւնը դեռեւս շարունակում էր ընդգրկել Եփրատից արեւմուտք եւ արեւելք ընկած հողերը: Ընդ որում, եթէ նկատի ունենանք, որ ճակատամարտին բաբելոնացիների հետ մասնակցել են նաեւ սիտակենները, ապա Եփրատի եւ Տիգրիսի միջեւ ընկած Սիրիայի՝ Ասորեստանի սահմանը հարաւում հասել է մինչեւ Սիտակենէ, այն դէպքում, երբ Հերոդոտոսն ամբողջ Միջագետքը համարում էր Սիրիա⁴²: Կէյլեսիրիան Արիանոսի համար Եփրատից արեւմուտք ընկած Սիրիան է՝ Եգիպտոսի եւ Փիւնիկիայի հարեւանու-

38 Արիանոս, Ալեքսանդրի արշաւանքը, «Ալեքսանդր Մակեդոնացի» (այսուհետեւ՝ Արիանոս), Երեւան, 1987, էջ 71:
 39 Նոյն տեղում, էջ 95:
 40 E. Herzfeld, *The Persian Empire*, p. 305.
 41 Արիանոս, էջ 97, 101: Տե՛ս Arrian, III, 8, 6, p. 246.
 42 Հերոդոտոս, IV, 39:

29 Նոյն տեղում, էջ 232:
 30 Նոյն տեղում, էջ 244:
 31 Նոյն տեղում, էջ 241:
 32 Հմմտ. անդ, էջ 358:
 33 C. Müller, *Fragmenta Historicorum Graecorum*, Vol. I, Parisii, 1841, ff. 261, 262, p. 17.
 34 Arrian, *Anabasis Alexandri*, with an English translation by E. Iiff Robson, Vol. I, Books I-IV, Cambridge-Massachusetts-London, 1967, Loeb Classical Library, II, 5, 1, p. 138.
 35 Նոյն տեղում, II, 6, 1, էջ 142:
 36 Ռուփոս, Ալեքսանդր Մակեդոնացու պատմութիւնը, «Ալեքսանդր Մակեդոնացի» (այսուհետեւ՝ Ռուփոս), Երեւան, 1987, էջ 310:
 37 Arrian, II, 6, 1, p. 142:

թեամբ⁴³: Դէպի Թափսակոս եւ Եփրատ շարժուող Ալեքսանդրի համար Փիւնիկիան գտնուում էր նրա երթուղուց հարաւ⁴⁴, ինչը համապատասխանում է Քսենոփոնի՝ վերեւում բերուած տեղեկութիւններին:

Ռուփոսը եւս Դրոնք Ասորոցը համարում է Սիրիա տանող ճանապարհի մուտքը⁴⁵: Ռուփոսի տեղեկութիւններից կարելի է եզրակացնել, որ Դամասկոսը Սիրիայի գլխաւոր վարչական կենտրոնն⁴⁶ էր, որտեղ պահուում էին Դարեհ Գ-ի գանձերը, որոնք գրաւում է Պարմենիոնը՝ նշանակուելով Սիրիայի կառավարիչ⁴⁷: Մէկ այլ տեղում պատմիչը Սիրիայի կառավարիչ է նշում Անդրոմաքոսին, ում սպանում են ապստամբ սամարացիները⁴⁸: Հաւանաբար, կարելի է ենթադրել, որ Արիանոսի եւ Ռուփոսի կողմից միաժամանակ յիշատակուող Սիրիայի սատրապները եղել են ընդարձակ Սիրիայի առանձին շրջանների կառավարիչները, որոնք բոլորը ընդհանուր անունով կոչուել են Սիրիայի սատրապներ: Օրինակ, Պարմենիոնը՝ որպէս Սիրիայի սատրապ, կառավարել է Դամասկոսի շրջանը, իսկ Անդրոմաքոսի մասին յիշատակութիւնը ցոյց է տալիս, որ վերջինս թերեւս Դամասկոսում փոխարինել է Պարմենիոնին. Անդրոմաքոսի ենթակայութեան տակ են գտնուել նաեւ սամարացիները, այսինքն՝ նկատի ունենանք գոնէ Ե-

թէ ոչ ամբողջ Պաղեստինը, ապա նրա մի մասը:

Ռուփոսը նշում է, որ Ալեքսանդրը Կոյլեսիրիան յանձնում է Անդրոմաքոս Պարմենիոնին⁴⁹, այսինքն՝ վերջինս եղել է Դամասկոսի շրջակայքի եւ Պաղեստինեան Սիրիայի կառավարիչը, որին փոխարինում է Մեմոնը⁵⁰: Հաւանաբար, Անդրոմաքոսը շփոթուել է Ալեքսանդրի յայտնի զօրավար Պարմենիոնի հետ, որը կարճ ժամանակով եղել է Դամասկոսի կառավարիչը: Ալեքսանդրի մահից յետոյ Սիրիան Փիւնիկիայի հետ միասին բաժին է հասնում Լատմեդոնոսին⁵¹. սա ցոյց է տալիս, որ մակեդոնացիների համար այս երկու աշխարհագրական հասկացութիւնները վարչական առումով շարունակում էին մէկ ամբողջութիւն ընկալուել:

Ալեքսանդր Մակեդոնացու արշաւանքը նկարագրող պատմիչների երկերում Սիրիան հիմնականում համապատասխանում է Կէյլեսիրիային, որը, ըստ Սկիլաքս Կարիանդացու, ձգւում էր Թափսակոս գետից մինչեւ Ասկալոն քաղաքը⁵²:

Թափսակոս գետը համապատասխանում է Օրոնտէսին՝ ներկայիս Նար-էլ-Ասիին, հետեւաբար՝ Կոյլեսիրիան տեղադրուում է Լիբանանեան լեռներից արեւելք ընկած տարածքներից մինչեւ Ասկալոն քաղաքը՝ ներառելով նաեւ Պաղեստինը: Փաստօրէն, Սկիլաքս Կարիանդացու տեղեկութիւնից ստացւում է, որ Կոյլեսիրիան ընդգրկել է Օրոնտէս գետի աւազանը եւ Պաղեստինը, այն դէպքում, երբ իրականում Կոյլեսիրիան (բառացի՝ «գատարկ, սնամէջ, խորին» Սիրիա, սակայն koile բառը սեմական kulla, եբրայերէն kol «ամբողջ, բոլոր բառի յունարէն համարժէքն

43 Արիանոս, էջ 99:
 44 Նոյն տեղում, էջ 94:
 45 Ռուփոս, էջ 295:
 46 Страбон, с. 700. Հմմտ. անտ. անտ. Плутарх, Александр, XXIV, «Избранные жизнеописания», т. II, Москва, 1987, с. 358; *Aramaic Documents of the Fifth Century B. C.*, abridged and revised edition by G. R. Driver, Oxford, 1957, p. 28; *The Cambridge Ancient History*, Vol. IV, Cambridge University Press, 1988, pp. 154-155; T. Bryce, *Ancient Syria*, p. 149.
 47 Ռուփոս, էջ 295, 310:
 48 Նոյն տեղում, էջ 338:

49 Նոյն տեղում, էջ 328:
 50 Նոյն տեղում, էջ 338:
 51 Նոյն տեղում, էջ 596:
 52 Скилак Кариадский, *Перипл обитаемого моря*, - «Вестник древней истории», 1988, № 2, с. 262.

է⁵³) ընդգրկում էր Օրոնտէսի վերին հոսանքի շրջանը եւ Լէոնտէս՝ Էլ-Լիտանի գետի աւազանը՝ Լիբանանեան եւ Անտիլիբանանեան լեռների միջեւ, իսկ, այսպէս կոչուած, բուն Սիրիան տարածւում էր Օրոնտէսի աւազանից արեւելք մինչեւ Եփրատ գետը⁵⁴ եւ վերջինիս ձախափնեակը:

Ստրաբոնի «Աշխարհագրութիւնում» բազմիցս Սիրիան եւ Ասորեստանը՝ Ատուրիան, նոյնացուում են, եւ Նինուէն համարւում է Սիրիայի մայրաքաղաքը⁵⁵: Ատուրիան Ստրաբոնը համարում է Նինուէի շրջանը⁵⁶, եւ ընդհանուր առմամբ Ատուրիան համապատասխանում է Ազիաբենէ երկրին: Բուն Սիրիան Ստրաբոնը տեղադրում է հիւսիսում՝ Կիլիկիայի եւ Ամանոսեան լեռների, արեւելքում՝ Եփրատ գետի եւ հարաւում՝ Եգիպտոսի միջեւ ընկած տարածքում⁵⁷:

Ստրաբոնի տեղեկութիւններից մէկում հարաւից դէպի հիւսիս, հիւսիս-արեւելք ուղղութեամբ յիշատակուում են Եգիպտոսը, Կէլեսիւրիան, Վերին Սիրիան, Բաբելոնը եւ այլն⁵⁸, ինչը ցոյց է տալիս, որ Վերին Սիրիան աշխարհագրորէն նոյնանում է Ասորեստանին: Ի տարբերութիւն Քսենոփոնի՝ Միջագետքի հետ նոյ-

նացուող Ստորին Սիրիայի՝ Ստրաբոնի Ստորին Սիրիան⁵⁹ հէնց բուն Սիրիան է, չնայած սպասելի էր, որ Ստրաբոնի համար արեւմուտքում գտնուող բուն Սիրիան պէտք է լինէր Վերին Սիրիան:

Պոլիբիոսը Կոյլեսիւրիայի սահմանը հարաւում հասցնում էր Էլ աւելի հեռու՝ Գազայից դէպի հարաւ՝ Ռափիա⁶⁰, այսինքն՝ Պաղեստինը մտնում էր Կոյլեսիւրիայի կազմի մէջ:

Համաձայն Դիոդորոս Սիկիլիացու՝ Կիւրոս Մեծի հետ նոյնացուող առասպելական Նինոսը գրաւում է նաեւ Կոյլեսիւրիան, որը յիշատակուում է Փիւնիկիայի եւ Կիլիկիայի միջեւ⁶¹, ինչը նշանակում է, որ Կոյլեսիւրիան լայն առումով փոխարինում է ամբողջ Սիրիային: Անտիկ հեղինակի մօտ նոյնպէս որոշ դէպքերում Սիրիան փոխարինում է Ասորեստանին⁶²: Դիոդորոս Սիկիլիացին յայտնում է, որ Կիւրոս Կրտսերը իր զինուորներին համոզում է, թէ բանակը տանում է ոչ թէ թագաւորի, այլ Սիրիայի մի քանի սատրապների դէմ, ինչից յետոյ զինուորները խաղաղուում են⁶³: Այս տեղեկութեան վերլուծութիւնը ցոյց է տալիս, որ Սիրիան լայն առումով համապատասխանում է V սատրապութեան եւ Ասորեստանի տարածքին, որոնք կառավարւում էին մի քանի սատրապների

53 Ընդ որում, «ամբողջ Արամ» (rm klh) աշխարհագրական հասկացութիւնը հիսիսում ընդգրկում էր Վերին Արամը՝ անտառաւ Արպաթ քաղաքը, եւ Ստորին Արամը՝ հարաւային Սիրիայում (kl 'ly 'rm wthh), այսինքն՝ Սիրիայի բոլոր արամէական տարածքները (տե՛ս B. Mazar, *The Aramean Empire in its Relations with Israel*, *The Biblical Archaeologist*, XXV, 1962, pp. 117-120):

54 Страбон, с. 695, 700; Pliny, *Natural History*, Vol. II, with an English translation by H. Rackham, Cambridge-Massachusetts-London, 1947, Loeb Classical Library, V, XVIII, p. 283; XXI, p. 287.

55 Страбон, с. 88, 684. Համաձայն Ստրաբոնի՝ սիրիացիներն իրենց անուանում են արամէացիներ (նոյն տեղում, էջ 49), ինչը տուեալ հատուածում, թերեւս, կապուած է Միջագետքի սիրիացիների հետ:

56 Նոյն տեղում, էջ 685:

57 Նոյն տեղում, էջ 694:

58 Նոյն տեղում, էջ 132:

59 Նոյն տեղում, էջ 645, 689:

60 Polybius, *The Histories*, with an English translation by W. R. Paton, Vol. III, London, Cambridge, Massachusetts, 1979, Loeb Classical Library, V, 40, 1; 80, 3, pp. 96, 196.

61 Դիոդորոս Սիկիլիացի, Պատմական գրադարան, թարգմ. բնագրից, առաջաբան եւ ծանօթագրութիւններ Ս. Կրկեաշարեանի, Երևան, 1985, էջ 17: Տե՛ս նաեւ Ctesias' *History of Persia*: Tales of the Orient, translated with commentaries by L. Llewellyn-Jones and J. Robson, London and New York, 2010, p. 115. Կան նաեւ տեղեկութիւններ, որտեղ Փիւնիկիան, Սիրիան եւ Կիպրոսը յիշատակուում են կողք կողքի (նոյն տեղում, էջ 126):

62 Դիոդորոս Սիկիլիացի, էջ 26:

63 Diodori *Bibliotheca Historica*, ed. L. Dindorfius, Vol. II, Lipsiae, 1826, XIV, 20, p. 315.

(տուեալ դէպքում նկատի ունենանք սատրապի) եւ հիւպարքոսների կողմից:

Դիոդորոս Սիկիլիացին գրում է, որ Ալեքսանդրի մահից յետոյ Սիրիան բաժին է հասնում Լատմեդոն Միտիլենացուն⁶⁴: Այս տեղեկութեան համեմատութիւնը Ռուփոսի համապատասխան տեղեկութեան հետ ցոյց է տալիս, որ Լատմեդոնի իշխանութեան տակ Սիրիայի հետ անցել է նաեւ Փիւնիկիան:

Սկզբնաղբիւրների վերլուծութիւնը ցոյց է տալիս, որ «Անդրգետքը» սկզբում եղել է աշխարհագրական հասկացութիւն, որն աստիճանաբար ձեռք է բերել վարչաքաղաքական նշանակութիւն: Սողոմոնի տէրութեան նկարագրութեան մէջ այն ունի յստակ աշխարհագրական բովանդակութիւն, քանի որ Սողոմոնը տիրում էր Գետից՝ Եփրատից արեւմուտք ընկած բոլոր թագաւորներին՝ Թափսայից (Թափսակոս) մինչեւ Գազա⁶⁵: Հայոց V դարի աշխարհագրական երկում՝ «Աշխարհացոյցում» նոյնպէս Սիրիա-Ասորիքի սահմանն արեւելքում Թափսակոս քաղաքն է, իսկ Դամասկոսը յիշատակուում է Կոյլեսիւրիայի կազմում. ընդ որում, սկզբնաղբիւրում Ասորիքը՝ Սիրիան, աշխարհագրորէն լրիւ տարբեր է Ասորեստան-Ասսիւրիայից եւ Միջագետքից⁶⁶:

Աշխարհագրական առումով պարսիկների համար Անդրգետք կոչուածը հրէաների համար Այսրգետք էր՝ Գետից այս կողմ, որտեղ կային արքայի կողմից նշանակուած գանձապետներ (հին պարսկերէն՝ *patifrasa - «վերակացու»)՝ Եփրատից արեւմուտք ընկած տարածքները ակադեբէնում սկսում են արտացոլուել eber nāri արտայայտութեան տակ: Պարսկական արձանագրութիւններում Աթուրա երկիրն ընդգրկում էր Ասորեստանը եւ Եփրատից արեւմուտք ընկած երկրները⁶⁸: Էլամերէնում, ակադեբէնում եւս «Անդրգետքը» կոչուում է Ասորեստան՝ Ասսիւրիա⁶⁹: Եգիպտական հիերոգլիֆ արձանագրութիւններում Սիրիան յայտնի է Eshur ձեւով⁷⁰: Անտիկ աղբիւրներում «Անդրգետքի» համար որպէս համարժէք հասկացութիւն գործածուել է Սիրիան՝ վերջինիս տակ յաճախ հասկանալով նաեւ Ասորեստանը⁷¹: Դարեհ Ա-ի Սուզայի արձանագրութիւններից մէկում գրուած է, որ մայրու փայտը Լիբանան լեռից Բաբելոն է բերում ասորական ժողովուրդը⁷²: Ընդ որում՝ պարսկերէն «ասորական ժողովուրդ» արտայայտութիւնը ակադեբէնում թարգմանուած է «Անդրգետքի (Գետի այն կողմի) ժողովուրդը»:

Հետաքրքիր է, որ Նէեմիս յիշատակում է արքունի անտառի՝ Ասափ անունով ոմն պահապանի⁷³, ինչը թերեւս խօսում է այն մասին, որ տուեալ սատրապութեան մէջ Աքեմենեան արքան սատրապին զուգահեռ ունէր իր կառավարիչը, որը հսկում էր արքունի տիրոյթները:

Հնարաւոր է, որ Ասորեստանի պետութեան գոյութեան վերջին տարիներին, երբ

Coinage and Monetary History, Oxford, 1987, pp. 116, 118.

68 A. F. Rainey, *The Satrapy "Beyond the River"*, p. 51.

69 R. Kent, *Old Persian*, p. 166.

70 J. Yoyotte, *Les inscriptions hiéroglyphiques. Darius et l'Égypte*, "Journal Asiatique", t. 260, Paris, 1972, f. 3-4, p. 258.

71 R. Frye, *Assyria and Syria: Synonyms*, "Journal of Near Eastern Studies", Vol. 51, № 4, 1992, p. 282.

72 R. Kent, *Old Persian*, p. 144.

73 Նէեմի, 2, 7-8: Հմմտ. P. R. Ackroyd, *The Written Evidence for Palestine, Achaemenid History*, Centre and Periphery, Leiden, 1990, p. 215.

պետութեան կենտրոնը Նինուէից տեղափոխուեց Խառան, այնուհետեւ՝ Կարքեմիշ, պատճառ դարձաւ, որ պարսիկները որպէս Անդրգետքի հոմանիշ գործածեն Ասսիրիան⁷⁴:

Մասնագիտական գրականութեան մէջ սովորաբար Հերոդոտոսի V սատրապութեան ստեղծումը կապում են Քսերքսէսի կողմից Ք. ա. 482 թ. Բաբելոնի աստամբուլութիւնը ճնշելու ժամանակի հետ⁷⁵, ինչը հնարաւոր է:

Այսպիսով, կատարուած քննութիւնը ցոյց է տալիս, որ Հին պարսկական սեպագիր արձանագրութիւնների Աթուրան ընդգրկում էր Անդրգետքը եւ Ասորեստանը, ընդ որում՝ անտիկ աղբիւրների Սիրիան նոյնպէս համապատասխանում էր Անդրգետքին եւ առանձին ղէպքերում նաեւ Ասորեստանին: Այս ընդարձակ ու հարուստ սատրապութիւնը Աքեմենեան տէրութեան համար ունէր չափազանց կարեւոր ռազմաքաղաքական եւ տնտեսական նշանակութիւն:

74 A. F. Rainey, *The Satrapy "Beyond the River"*, p. 55; M. A. Дандамаев, *Ахеменидская империя*, с. 148.
75 A. T. Olmstead, *History of the Persian Empire*, Chicago, 1960, p. 237; A. F. Rainey, *The Satrapy "Beyond the River"*, p. 57; M. Dandamaev, *Achaemenid Mesopotamia: Traditions and Innovations*, - "Achaemenid History", VIII, Continuity and Change, Leiden, 1994, p. 229.

ՓԱԻՍՏՈՍ ԲՈՒԶԱՆԴԻ ՊԱՏՄՈՒԹԵԱՆ ՄԷՋ ՎԿԱՅՈՒԱԾ ԻՐԱՆԱԿԱՆ ԾԱԳՈՒՄ ՈՒՆԵՑՈՂ ՄԻ ՔԱՆԻ ԲԱՌԵՐԻ ՇՈՒՐՋ

Լաւրենտի Յովհաննիսեան

Ե. դ. Հայ մատենագրութեան մէջ վկայուած են իրանական լեզուներից, յատկապէս՝ պարթեւերէնից եւ միջին պարսկերէնից կատարուած բազմաթիւ փոխառութիւններ: Դրանց մեծագոյն մասը հարիւրամեակներ շարունակ գործածուել է բանաւոր, գրերի գիւտից յետոյ՝ նաեւ գրաւոր լեզուում: Ժամանակի ընթացքում դրանք գիտակցուել են որպէս հայերէն բառեր եւ փոխառեալ արմատներով կազմել են բազմաթիւ նոր կազմութիւններ, որոնք գործածական են նաեւ այժմ:

Բուզանդի Պատմութեան¹ մէջ կան նաեւ իրանական ծագում ունեցող մի շարք բառեր, որոնք Հինգերորդդարեան եզակի կամ միակ վկայութիւններն են: Որոշ դիտարկումներով անդրադառնանք այդ կարգի միաւորներին.

ա) Նոր հայկազեան բառարանում չվկայուած բառեր.

Աշխարաւանդ «թագաւորական թագի կապը», զինդկապետ «պարսկական զօրապետական մի աստիճան», հազարաւոյստ «պարսկական մի տիտղոս», սորակալ «ախոռապետ», տապարիկ/տապրիկ:

ՆՀԲ-ն հազարաւոյստ-ն ըստ երեւոյթին դիտել է որպէս յատուկ անուն, այդ պատճառով էլ այն չի բառարանագրուել: Սորակալ-ը Աճառեանն ուղղում է ստորակալ, պհլ. stōr «ձի» բառով կազմութիւն, իսկ տապրիկ-ը համարում է յատուկ անուն:

Տապրիկ-ը նոյնպէս զօրատեսակի անունում պէտք է համարել իրան. *tabar «կացին» բառով կազմութիւն, որն առկայանում է եւ ՆՀԲ-ում վկայուած տապարաւոր բառում:

բ) Բառեր, որոնք ՆՀԲ-ն վկայակոչում է Ռիւայն Բուզանդի.

Աշխարան - «Իսկ կինն սպանելոյն Փառանձեմն զհանդերձսն պատառեալ, զգէսս արձակեալ, մերկատիտ ի մէջ աշխարանին կոծէր» (IV, ԺԷ):

Ստ. Մալխասեանը աշխարան-ը թարգմանել է «սգատեղի». «...վարսերը արձակած, կուրծքը բաց, կոծում էր սգատեղում»:

Բառի արմատն է աշխար «ողբ, լաց»: Գրաբարում վկայուած են նաեւ այդ արմատով կազմուած մի շարք բառեր՝ աշխարական, աշխարահեծ, աշխարանուագ, աշխարանք, աշխարապէս, աշխարաւոր, աշխարեմ (տե՛ս ՆՀԲ):

Արմ-ում աշխար-ը չստուգաբանուած բառերի շարքում է: Է. Բենուենիստը այն համարում է իրանական փոխառութիւն՝ պրթ., միջ. պրս. axšād «ողբ, լացուկոծ»: Այդ ստուգաբանութիւնն ընդունում է նաեւ Գ. Զահուկեանը²:

Կարծում ենք՝ ի մէջ աշխարանին բառակապակցութիւնը կարելի է թարգմանել «սգացողների մէջ» կամ «սգացողների մէջտեղը»: Աշխարան-ի անձեւոյթը այս ղէպքում կարող է լինել իրան. an- յոգնակերտը:

¹ Փառլոտսի Բիւզանդացոյ Պատմութիւն Հայոց, բնագիրը՝ Բ. Պատկանեանի, թարգմանութիւնը եւ ծանօթագրութիւնները՝ Ստ. Մալխասեանցի, Երեւան, 1987:

² Գ. Զահուկեան, Հայերէն ստուգաբանական բառարան, Երեւան, 2010, էջ 64: